



დოკუმენტის დამტკიცების თარიღი და
ბრძანების ნომერი: 09.10.2018 წ. ბრძანება
№89

აკადემიური და მოწვეული პერსონალის რაოდენობის
განსაზღვრის მეთოდოლოგია

2018



დოკუმენტის შინაარსი:

1. ზოგადი დებულებები	3
2. აკადემიური და მოწვეული პერსონალის რაოდენობის განსაზღვრის მექანიზმი.....	3
3. აკადემიური, აფილირებული აკადემიური და მოწვეული პერსონალის რაოდენობის განსაზღვრის სამიზნე ნიშნულები	3
4. სასწავლო კურსებზე დაშვებული სტუდენტების მაქსიმალური რაოდენობა და აკადემიური პერსონალისთვის დაშვებული ჩასატარებელი აკადემიური საათების მაქსიმალური რაოდენობა.....	4
5. საგანმანათლებლო პროგრამებზე აკადემიური და მოწვეული პერსონალის რაოდენობის გამოთვლა	5





1. ზოგადი დებულებები

აკადემიური და მოწვეული პერსონალის რაოდენობის განსაზღვრის წინამდებარე მეთოდოლოგია გამოიყენება ევროპის უნივერსიტეტში მოქმედი საგანმანათლებლო პროგრამების განხორციელებისთვის საჭირო აკადემიური და მოწვეული პერსონალის რაოდენობის დადგენის მიზნით.

ევროპის უნივერსიტეტში მოქმედი საგანმანათლებლო პროგრამების განხორციელებისთვის საჭირო აკადემიური და მოწვეული პერსონალის რაოდენობის განსაზღვრა ხორციელდება ფაკულტეტების, კერძოდ, კი, ფაკულტეტის დეკანებისა და პროგრამის ხელმძღვანელების უშუალო ჩართულობით.

2. აკადემიური და მოწვეული პერსონალის რაოდენობის განსაზღვრის მექანიზმი

საგანმანათლებლო პროგრამებზე, აკადემიური და მოწვეული პერსონალის რაოდენობის განსაზღვრისას, მხედველობაში მიიღება შემდეგი საკითხები:

- ა) საგანმანათლებლო პროგრამაზე ჩარიცხული სტუდენტების რაოდენობა;
- ბ) ევროპის უნივერსიტეტში საგანმანათლებლო პროგრამების ფარგლებში სასწავლო კურსებზე ჯგუფში დაშვებული სტუდენტების მაქსიმალური რაოდენობა;
- გ) საგანმანათლებლო პროგრამების ფარგლებში, სემესტრის განმავლობაში, სპეციალობის სავალდებულო სასწავლო კურსებზე კვირაში ჩასატარებელი სალექციო და პრაქტიკული მეცადინეობის საათების რაოდენობა;
- დ) აკადემიური პერსონალისთვის დაშვებული ჩასატარებელი საათების მაქსიმალური რაოდენობა;
- ე) ევროპის უნივერსიტეტში აკადემიური და მოწვეული პერსონალისთვის დადგენილი სამიზნე ნიშნულები (პროცენტულად დადგენილი მინიმალური მოთხოვნები და მაქსიმალური დაშვებები).

3. აკადემიური, აფილირებული აკადემიური და მოწვეული პერსონალის რაოდენობის განსაზღვრის სამიზნე ნიშნულები

აკადემიური, მოწვეული და აფილირებული აკადემიური პერსონალისთვის დადგენილი სამიზნე ნიშნულებია:

- ა) საგანმანათლებლო პროგრამების ფარგლებში (ყველა საფეხურზე) სპეციალობის სავალდებულო სასწავლო კურსებზე ჩასატარებელი საათების მინიმუმ 60%-ს უნდა კითხულობდეს აკადემიური პერსონალი და შესაბამისად, მაქსიმუმ 40%-ს - მოწვეული პერსონალი (გარდა იმ შემთხვევისა, როცა



პროგრამის სპეციფიკა საჭიროებს განსხვავებულ თანაფარდობას. ამ შემთხვევაში დაშვებული თანაფარდობაა 50%-50%);

ბ) საგანმანათლებლო პროგრამის (ყველა საფეხურზე) განხორციელებაში ჩართული უნდა იყოს მიმართულების/დარგის მინიმუმ ერთი აფილირებული პროფესორი, ხოლო, პროგრამის ფარგლებში არსებული სხვადასხვა დარგის მიხედვით (მაგ. ბიზნესის ადმინისტრირების საგანმანათლებლო პროგრამაში ფინანსები, მარკეტინგი, მენეჯმენტი, საბუღალტრო აღრიცხვა და ა.შ.) - მინიმუმ 1 აფილირებული პროფესორი/ასოცირებული პროფესორი/ასისტენტ-პროფესორი. ხოლო მედიცინის ფაკულტეტზე თითოეულ სასწავლო მოდულზე - მინიმუმ ერთი აფილირებული პროფესორი.¹

გ) აკადემიური პერსონალის მინიმალური დაშვებული რაოდენობით პროგრამის უზრუნველყოფის შემდეგ შესაძლებელია პროგრამის განხორციელებაში ჩაერთოს უნივერსიტეტის მოწვეული პერსონალი. არ არის დაშვებული პროგრამა განხორციელდეს მხოლოდ აკადემიური პერსონალის გამოყენებით, შესაბამისად, სავალდებულოა პროგრამის განხორციელებაში ჩართული იყოს მოწვეული სპეციალისტებიც.

4. სასწავლო კურსებზე დაშვებული სტუდენტების მაქსიმალური რაოდენობა და აკადემიური პერსონალისთვის დაშვებული ჩასატარებელი აკადემიური საათების მაქსიმალური რაოდენობა

4.1 საგანმანათლებლო პროგრამის ფარგლებში სასწავლო კურსებზე ჯგუფებში დაშვებულ სტუდენტთა მაქსიმალური რაოდენობის განსაზღვრისას მხედველობაში მიიღება სასწავლო კურსების სპეციფიკა.

ევროპის უნივერსიტეტში საგანმანათლებლო პროგრამების ფარგლებში დაშვებულია:

ა) სასწავლო კურსებზე ჯგუფში სტუდენტების მაქსიმალური რაოდენობა: სასწავლო კურსების თეორიულ ნაწილზე - მაქსიმუმ 75 სტუდენტი; სასწავლო კურსების პრაქტიკულ ნაწილზე - მაქსიმუმ 25 სტუდენტი. მედიცინის ფაკულტეტზე: I, II, III სასწავლო წელს, საბაზისო სასწავლო კურსების თეორიულ ნაწილზე - მაქსიმუმ 66 სტუდენტი, პრაქტიკულ ნაწილზე - მაქსიმუმ 22 სტუდენტი; IV, V, VI სასწავლო წელს, კლინიკური სასწავლო კურსების თეორიულ ნაწილზე - მაქსიმუმ 66 სტუდენტი, პრაქტიკულ ნაწილზე - მაქსიმუმ 11 სტუდენტი;

ბ) უცხო ენების სასწავლო კურსების შემთხვევაში, ჯგუფში სტუდენტების მაქსიმალური რაოდენობა - 22 სტუდენტი;

¹ უნივერსიტეტის სტრატეგიული გეგმის მიხედვით 7 წლის შემდეგ აკადემიური პერსონალის 90% უნდა იყოს უნივერსიტეტის აფილირებული აკადემიური პერსონალი.



გ) სასწავლო კურსების შემთხვევაში, სადაც საჭიროა ლაბორატორიული მეცადინეობები, ჯგუფში სტუდენტების მაქსიმალური რაოდენობა - 22 სტუდენტი;

4.2 აკადემიური პერსონალის სემესტრული სასწავლო დატვირთვა:

- პროფესორი - კვირაში მაქსიმუმ 18 აკადემიური საათი;
- ასოცირებული პროფესორი - კვირაში მაქსიმუმ 21 აკადემიური საათი;
- ასისტენტ-პროფესორი - კვირაში მაქსიმუმ 24 აკადემიური საათი;
- ასისტენტი - კვირაში მაქსიმუმ 24 აკადემიური საათი (პრაქტიკული / ჯგუფში მუშაობის საათები და ა.შ.)

5. საგანმანათლებლო პროგრამებზე აკადემიური და მოწვეული პერსონალის რაოდენობის გამოთვლა

ზემოაღნიშნული დაშვებების გათვალისწინებით, საგანმანათლებლო პროგრამაზე აკადემიური, და მოწვეული პერსონალის მინიმალური/მაქსიმალური დაშვებული რაოდენობები გამოითვლება შემდეგნაირად:

$$\text{აკადემიური პერსონალის მინიმალური დაშვებული რაოდენობა} = \frac{\left[L \left(\frac{X_{st}}{75} \right) + P \left(\frac{X_{st}}{25} \right) \right] * 0.6}{H_{ac}}$$

სადაც,

L – საგანმანათლებლო პროგრამის კენტ/ლუწ სემესტრებში სპეციალობის სავალდებულო სასწავლო კურსების ფარგლებში კვირაში ჩასატარებელი სალექციო საათების რაოდენობა²

P – საგანმანათლებლო პროგრამის კენტ/ლუწ სემესტრებში სპეციალობის სავალდებულო სასწავლო კურსების ფარგლებში კვირაში ჩასატარებელი პრაქტიკული მეცადინეობების საათების რაოდენობა³

² სპეციალობის სავალდებულო კურსების ფარგლებში ჩასატარებელი სალექციო საათების გამოთვლა ხდება კენტ და ლუწ სემესტრებში ცალ-ცალკე, ხოლო მიღებული რიცხვებიდან ვიღებთ უდიდესს.

³ სპეციალობის სავალდებულო კურსების ფარგლებში ჩასატარებელი პრაქტიკული საათების გამოთვლა ხდება კენტ და ლუწ სემესტრებში ცალ-ცალკე, ხოლო მიღებული რიცხვებიდან ვიღებთ უდიდესს.



X_{st} – საგანმანათლებლო პროგრამაზე ჩარიცხული (აქტიური სტატუსის მქონე) სტუდენტების რაოდენობა

H_{ac} - აკადემიური პერსონალისთვის კვირაში დაშვებული საათების მაქსიმალური საშუალო რაოდენობა⁴

შენიშვნა: ფორმულაში $\left(\frac{X_{st1}}{75}\right)$ და $\left(\frac{X_{st1}}{25}\right)$ მრგვალდება უდიდეს ციფრამდე (მაგ. თუ მიღებულია 1,1 - დამრგვალდება 2-მდე).



⁴ წინამდებარე დოკუმენტის 4.2 ქვეპუნქტში აკადემიური პერსონალისთვის კვირაში დაშვებული საათების რაოდენობის საშუალო არითმეტიკული.